

SKÝRSLA

ÚTVARPSRÉTTARNEFNDAR

1. október 2004 – 30. september 2008

Inngangur

Í skýrslu þessari er fjallað um störf Útvarpsréttarnefndar á tímabilinu 1. október 2004 til 30. september 2008. Þetta er sjötta skýrslan sem gefin er út um störf nefndarinnar frá því að hún tók til starfa árið 1986. Fram til þessa hafa skýrslur nefndarinnar verið prentaðar auk þess sem þær hafa verið birtar á heimasíðu nefndarinnar (www.utvarpsrettarnefnd.is). Að þessu sinni er í sparnaðarskyni látið nægja að birta skýrsluna á heimasíðunni. Skýrslunni er ætlað að gefa yfirlit yfir störf nefndarinnar á liðnu skipunartímabili.

I. Hlutverk Útvarpsréttarnefndar

Útvarpsréttarnefnd starfar samkvæmt útvarpslögum nr. 53/2000. Á grundvelli þeirra laga hefur verið sett reglugerð um útvarpsstarfsemi, nr. 50/2002. Samkvæmt útvarpslögum og 2. gr. reglugerðarinnar sinnir útvarpsréttarnefnd eftifarandi verkefnum:

- Útvarpsréttarnefnd veitir útvarpsleyfi, enda sé að mati nefndarinnar fullnægt skilyrðum til útgáfu útvarpsleyfis samkvæmt útvarpslögum og ákvæðum reglugerðarinnar.
- Útvarpsréttarnefnd fylgist með því að farið sé að reglum sem gilda um útvarpsleyfi og hefur eftirlit með því að gætt sé að útvarpslögum og fyrirmælum reglugerðarinnar.
- Útvarpsréttarnefnd úrskurðar í kærumálum telji einhverjir að útvarpsstöð hafi ekki haft í heiðri lýðræðislegar grundvallarreglur, virt tjániningarflesi eða stuðlað að því að fram komi í dagskrá rök fyrir mismunandi skoðunum í umdeildum málum.
- Útvarpsréttarnefnd úrskurðar í ágreiningsmálum telji aðili, einstaklingar, félög eða stofnanir, að lögmætir hagsmunir þeirra, einkum orðspor og mannorð, hafi beðið tjón af því að rangt hafi verið farið með staðreyndir í útvarpsdagskrá og þeim hafi verið synjað um rétt til andsvara á viðkomandi útvarpsstöð eða til annarra jafngilda úrræða á þann hátt sem þeir vilja við una.
- Útvarpsréttarnefnd er heimilt að stöðva tímabundið sjónvarpsútsendingar frá ríkjum á hinu evrópska efnahagssvæði teljist skilyrði 5. gr. útvarpsлага vera fyrir hendi.
- Útvarpsréttarnefnd úrskurðar um stjórnvaldssektir skv. 30. gr. útvarpsлага fari útvarpsstöð ekki að fyrirmælum 9. og 11. gr. og VI. kafla útvarpsлага um auglýsingar, fjarsölu og kostun.
- Útvarpsréttarnefnd getur afturkallað leyfi til útvarps séu reglur brotnar, enda sé um alvarleg og ítrekuð brot á útvarpslögum eða reglugerðinni að ræða.

II. Skipan nefndarinnar

Samkvæmt lögum nr. 107/2004, sem samþykkt voru á Alþingi 22. júlí 2004, voru gerðar breytingar á skipan útvarpsréttarnefndar. Ný nefnd, sem skipuð var á grundvelli þeirra laga, tók til starfa 1. október 2004.

Samkvæmt 2. mgr. 6. gr. útvarpsлага skipar menntamálaráðherra þrjá menn í útvarpsréttarnefnd til fjögurra ára og jafn marga til vara. Tveir skulu skipaðir samkvæmt tilnefningu Hæstaréttar en einn skipar ráðherra án tilnefningar og skal hann jafnframt vera formaður nefndarinnar. Varamenn skulu skipaðir á sama hátt og skal varamaður formanns jafnframt vera varaformaður nefndarinnar. Nefndarmenn og varamenn þeirra skulu uppfylla starfsgengisskilyrði héraðsdómara. Nefndinni er heimilt að kalla sér til ráðgjafar og aðstoðar sérfróða aðila eftir því sem hún telur þörf á.

Fyrir tímabilið 1. október 2004 til 30. september 2008 voru Vilhjálmur H. Vilhjálmsson og Ásdís Rafnar skipuð í nefndina samkvæmt tilnefningu Hæstaréttar, en Benedikt Bogason var skipaður án tilnefningar formaður nefndarinnar. Varamenn á tímabilinu voru skipaðir Jakob R. Möller, Þorgerður Erlendsdóttir og Lárentsínus Kristjánsson en sá síðastnefndi var skipaður án tilnefningar varaformaður nefndarinnar.

III. Lagabreytingar

Á starfstímabilinu voru ekki gerðar teljandi lagabreytingar sem snerta verkefni útvarpsréttarnefndar. Þó má geta þess að með lögum nr. 57/2007 voru gerðar breytingar á útvarpslögum vegna innleiðingar reglugerðar Evrópuþingsins og ráðsins (EB) nr. 2006/2004 frá 27. október 2004 um samvinnu milli innlendra yfirvalda sem bera ábyrgð á framkvæmd laga um neytendavernd (reglugerð um samvinnu um neytendavernd). Með umræddum lögum var nefndinni veitt heimild til að krefja leyfishafa um skriflegar upplýsingar vegna ætlaðra brota á ákvæðum VI. kafla útvarpsлага, sem fjallar um auglýsingar, fjarsölu og kostun. Einnig var nefndinni veitt heimild til að leggja bann við útsendingu efnis sem andstætt er þessum kafla laganna. Þá var lögfest heimild fyrir nefndina til að gera nauðsynlegar athuganir á starfsstöð leyfishafa eða þar sem gögn eru varðveitt við rannsókn ætlaðra brota gegn VI. kafla útvarpsлага. Loks var með nefndum lögum lögfest heimild fyrir útvarpsréttarnefnd til að veita stjórnvöldum annarra ríkja á Evrópska efnahagssvæðinu upplýsingar og gögn sem nauðsynlegar þykja við framkvæmd ákvæða VI. kafla laganna í samræmi við skuldbindingar Íslands samkvæmt samningnum um Evrópska efnahagssvæðið.

IV. Almennt um störf nefndarinnar

Útvarpréttarnefnd hélt 35 fundi á tímabilinu og var fyrsti fundur nefndarinnar haldinn 18. október 2004.

Rakel Björnsdóttir tók við sem starfsmaður nefndarinnar af Sigrúnu Jónsdóttur í upphafi starfstímabilsins. Elfa Gylfadóttir tók við starfi Rakelar 2. febrúar 2007 og starfaði hjá nefndinni til 22. september 2008. Við starfinu tók Þóra Gunnarsdóttir sem starfaði út starfstímabilið.

Á starfstímabilinu hafði nefndin aðgang að ýmsum starfsmönnum menntamálaráðuneytisins eftir þörfum án þess að það verði nánar rakið.

Undir lok starfstímabilsins flutti nefndin úr menntamálaráðuneytinu þar sem hún hefur haft aðsetur sitt. Með þessu hefur verið tryggður aðskilnaður milli nefndarinnar og ráðuneytisins og er þetta til þess fallið að undirstrika betur sjálfstæði nefndarinnar út á við.

V. Leyfisveitingar

Á tímabilinu 1. október 2004 til 30. september 2008 afgreiddi útvarpsréttarnefnd **187** útvarpsleyfi.

Tafla 1. Fjöldi útvarpsleyfa frá 1. október 2004 – 30. september 2008

	2004	2005	2006	2007	2008
Sjónvarp					
Eigin dagskrá	2	6	1	1	1
Hljóðvarp					
Langtímaleyfi	16	8	9	15	3
Tækifærисleyfi	7	18	25	13	13
Skólaleyfi	4	16	11	13	5
Samtals	29	48	46	42	22

Leyfisgjöld

Til að fá útvarpsleyfi verður að greiða leyfisgjald og rennur gjaldið í ríkissjóð.

Samkvæmt lögum um aukatekjur ríkissjóðs, nr. 88/1991, voru leyfisgjöld á starfstímabilinu sem hér segir:

Leyfi til sjónvarps:

a) til þriggja ára	106.000
b) til fimm ára	176.000
c) til sjö ára	246.000

Leyfi til hljóðvarps:

a) til allt að tveggja mánaða	3.300
b) til eins árs	24.200
c) til tveggja ára	48.400
d) til þriggja ára	72.600
e) til fimm ára	121.000

Leyfi til útvarps á afmörkuðum svæðum, sem útvarpsréttarnefnd telur ná til innan við 10 þúsund íbúa, voru 50% af þeim fjárhæðum sem greinir í lið b–e hér að ofan.

VI. Kannanir á vegum Útvarpsréttarnefndar

Kannanir Capacent Gallup

Í upphafi árs 2007 var ákveðið að fá Capacent Gallup til að gera reglulega könnun á tíðni auglýsinga á sjónvarsstöðvunum RÚV, Stöð 2, Skjár Einn og Sirkus. Þessar kannanir hafa farið þannig fram að skráð er tíðni auglýsinga á hverri stöð fyrir sig í eina viku.

Með því að veita útvarpsréttarnefnd nákvæmar upplýsingar um tímasetningar dagskráliða og auglýsingar var útvarpsréttarnefnd gert kleift að meta hvort umræddar sjónvarpsstöðvar fari að VI. kafla útvarpsлага, en sérstaklega var kannað hvort sjónvarpsstöðvarnar brutu gegn 16., 17., 18., og 21. gr. laganna. Í 16. gr. laganna eru settar fram almennar meginreglur þar sem segir að auglýsingar skulu vera auðþekkjanlegar og skýrt afmarkaðar frá öðru dagskrárefni með myndskilti eða hljóðmerki. Í 17. gr. laganna er fjallað um hversu oft megi rjúfa einstaka dagskráliði með auglýsingatíma og fjarsöluinniskotum. Í könnunum Capacent Gallup var sérstaklega litið til kvíkmynda sem voru lengri en 45 mínútur að lengd með hliðsjón af því að settar eru takmarkanir í lögum hversu oft megi rjúfa myndina með auglýsingum og fjarsöluinniskotum. Í 18. gr. laganna eru settar takmarkanir á auglýsingum í sjónvarpsþáttum en hlutfall auglýsinga og fjarsöluinniskota

innan tiltekins klukkutímaskeiðs má ekki fara yfir 20%. Í 21. gr. laganna er kveðið á um að þegar dagskráliður er kostaður megi efni hans ekki fela í sér hvatningu til að kaupa eða leigu á vörum eða þjónustu kostanda eða annars aðila, t.d. með því að auglýsa slíka vöru eða þjónustu sérstaklega.

Eins og áður greinir var mælt vikutímabil í hvert sinn og fóru mælingar fram fimm sinnum á starfstímabilinu. Mælingar fóru fram í mars, maí og desember 2007 og mars og júní 2008. Hér á eftir verður nánar greint frá helstu niðurstöðum.

Mars 2007

Fyrsta könnunin fór fram í mars 2007 og var kannað magn auglýsinga á RÚV, Stöð 2, Skjá Einum og Sirkus. Niðurstöðurnar voru þær að bæði Sirkus og Skjár Einn fóru lítillega fram yfir hámarksauglýsingatíma á kjörtíma þegar vinsælustu þættirnir voru sýndir.

Í kjölfar könnunarinnar var ákveðið að fá fyrirsvarsmenn 365 ljósvakamiðla ehf. (Stöð 2, Sirkus), Ríkissjónvarpsins og Skjás Eins á næsta fund nefndarinnar. Á þeim fundi sem haldinn var 8. maí 2007 voru málín rædd og fannst yfirmönnum stöðvanna jákvætt að fá slíkar upplýsingar. Einnig ætluðu þeir að gera úrbætur þar sem þeirra var þörf. Þeim var einnig tilkynnt að næsta könnun yrði gerð í maí.

Maí 2007

Þessi könnun fór fram dagana 18.–24. maí 2007. Niðurstaðan var sú að allar stöðvarnar, að undanskildum Skjá Einum, fóru að lögum og var auglýsingamagn því innan leyfilegra marka.

Á fundi útvarpsréttarnefndar 28. ágúst 2007 mætti Sigríður Margrét Oddsdóttir, framkæmdastjóri Skjás Eins, og var henni gerð grein fyrir niðurstöðum könnunarinnar þar sem Skjár Einn fór sex sinnum yfir leyfilegt auglýsingamagn. Jafnframt var því beint til framkvæmdastjórans að tryggja að reglum laganna um auglýsingar yrði fylgt.

Desember 2007

Könnunin fór fram dagana 15.–21. desember og var mælt magn á auglýsingum á Stöð 2, Sirkus, Skjá Einum og RÚV. Í ljós kom að sjónvarpsstöðvarnar fóru yfir 12 mínútna hámarksfjölda á klukkustund og sérstaklega fór Skjárin oft yfir löglegan hámarkstíma.

Í kjölfar könnunarinnar ritaði útvarsréttarnefnd bréf til 365 ljósvakamiðla ehf. og Ríkisútvarpsins til að gera grein fyrir niðurstöðunum könnunarinnar og brýna fyrir fyrirsvarsmönnum þessara sjónvarpsstöðva að gæta að hámarki auglýsingafjölða á klukkustund. Einnig var ákveðið að fá Sigríði Margréti Oddsdóttur, framkvæmdastjóra Skjás Eins, á fund nefndarinnar. Sigríður kom á fund nefndarinnar 26. febrúar 2008 þar sem henni var gerð grein fyrir því að

nefndin myndi grípa til virkari úrræða ef ekki yrði farið að reglum útvarpsлага um auglýsingar. Fram kom hjá framkvæmdastjóranum að betur yrði gætt að þessu framvegis.

Mars 2008

Næsta könnun á vegum nefndarinnar fór fram dagana 8.–14. mars 2008 og var kannað auglýsingamagn hjá Sýn, Sirkus, Stöð 2, Skjá Einum og RÚV. Niðurstaða þessarar könnunar var sú að engin af þessum sjónvarpsstöðvum braut gegn auglýsingareglum laganna.

Júní 2008

Í þetta skiptið fór fram mæling á magni auglýsinga dagana 23.–29. júní 2008 og var mælt hjá RÚV, Skjá Einum, Stöð 2 og Stöð 2 Extra. Tvær sjónvarpsstöðvar, Skjár Einn og Stöð 2 Extra, fóru lítillega yfir leyfileg auglýsingamörk. Af því tilefni voru send bréf til þessara stöðva þar sem brýnt var fyrir þeim að virða auglýsingareglur.

Auglýsingar á barnatímum

Í febrúar 2008 var gerð rannsókn á því hversu mikið magn auglýsinga sem beinist að börnum var sýnt á þeim tíma sem barnaefni er á dagskrá RÚV og Stöðvar 2. Skoðuð voru fimm tímabil, vikan 4.–10. mars 2007, vikan 18.–24. maí 2007, vikan 15.–21. desember, vikan 30. janúar til 5. febrúar 2008 og vikan 16.–22. febrúar 2008.

Skráð var dagskrá og auglýsingar sem sýndar voru allt að 10 mínútur áður en barnaefni var sent út, auglýsingar sem rauf útsendingu á barnaefni og auglýsingar sem sýndar voru allt að 10 mínútum eftir að barnaefni lauk. Þegar rætt er um að útsending á barnaefni sé rofin, er átt við að samfelld útsending á barnaefni sé rofin, þrátt fyrir að ekki sé verið að gera hlé á einstökum þætti meðan á útsendingu stendur, heldur að auglýsingar séu birtar á milli einstakra þátta sem ætlaðir eru börnum til áhorfs. Útsending var í engu tilfelli rofin með auglýsingahléi með þeim hætti að hlé var gert á þeim þætti sem var verið að sýna.

Í stuttu máli var niðurstaðan sú að bæði Stöð 2 og RÚV rufu útsendingar sýnar á barnaefni (sjá skilgreiningu hér að ofan), mismikið þó, en mest á tímabilinu 15.–21. desember og 30. janúar – 5. febrúar. Ákveðið var í kjölfarið á þessum niðurstöðum að senda báðum stöðvunum bréf þar sem ljóst var að útsending auglýsinga í kringum barnaefni braut í bága við 4. mgr. 17. gr. útvarpsлага, og þeim bent á að haga auglýsingatínum þannig að farið væri að lögum.

VII. Kvartanir til nefndarinnar vegna útvarpsefnis

Nokkrar kvartanir bárust útvarpsréttarnefnd á tímabilinu. Þegar nefndinni hafa borist athugasemdir eða kvartanir vegna dagskrárefnis er venjulega óskað eftir upptökum á því efni sem kvartað er yfir. Nefndin hefur síðan kynnt sér efnið og ákveðið hvort tilefni sé til viðbragða. Hér á eftir verða rakin helstu erindi af þessu tagi til nefndarinnar.

Í október 2004 bars nefndinni kæra Þorsteins Gunnarssonar, íþróttafréttamanns, á hendur Skjá Einum vegna útsendingar frá knattspyrnuleikjum í ensku úrvalsdeildinni með lýsingu þula á ensku. Eftir að hafa fjallað um málið var það afgreitt með ítarlegri bókun nefndarinnar 25. janúar 2005 þar sem komist var að þeirri niðurstöðu að þessar útsendingar færðu í bága við 1. mgr. 8. gr. útvarpslaga um skyldu til að láta tal eða texta á íslensku fylgja efni á erlendu máli. Var því beint til Skjás Eins að hætta útsendingum á knattspyrnuleikjum án þess að tal eða texti fylgdi á íslensku.

Í janúar 2005 barst nefndinni kæra IP fjarskipta vegna kostunarskilda Og fjarskipta á undan verðurfréttum á Stöð 2. Farið var yfir gildandi reglur með fyrirvarsmönnum 365. miðla ehf.

Í febrúar 2005 barst nefndinni kvörtun vegna efnis sem sýnt var í fréttum Stöðvar 2 af líkamshengingum. Af þessu tilefni ritaði nefndin bréf til 365 ljósvakamiðla ehf. þar sem farið var yfir gildandi reglur um dagskrárefni sem getur haft skaðleg áhrif á börn.

Í nóvember 2005 barst nefndinni kvörtun vegna útsendinga sjónvarpsstöðvarinnar Omega á erlendu trúarefni án íslensks tals eða texta. Eftir að hafa fjallað um málið og átt fund með fyrirvarsmani stöðvarinnar synjaði nefndin umsókn Omega um heimild til útsendingar á þessu efni án tals eða texta á íslensku. Var ekki talið að skilyrði 1. mgr. 7. gr. útvarpslaga væru fyrir hendi til að fallast á beiðnina vegna tímabundinna tækniörðugleika og fjárhagsástæðna.

Hinn 6. janúar 2006 snemma kvölds var sýnd kvíkmyndin Ken Park á sjónvarpsstöðinni Sirkus. Af því tilefni barst nefndinni kvörtun frá Neytendasamtökunum þar sem myndin væri alls ekki við hæfi barna. Eftir að hafa horft á myndina komst nefndin að þeirri niðurstöðu að sýning myndarinnar á þessum tíma þegar vænta mætti þess að börn horfou á sjónvarp færi gróflega í bága við 1. mgr. 14. gr. útvarpslaga. Af þessi tilefni ritaði nefndin lögreglu bréf vegna hugsanlegrar refsíabyrgðar samkvæmt d-lið 1. mgr. 28. gr. útvarpslaga.

Með bréfi 10. janúar 2006 beindi Lýðheilsustöð, talsmaður neytenda og umboðsmaður barna kvörtun til nefndarinnar vegna áfengisauglýsinga, kostunar áfengisframleiðenda á dagskrárefni og áberandi vöru eða

vörumerkja í sjónvarpi. Beindist kvörtunin að Ríkisútvarpinu, 365 ljósvakamiðlum ehf. og Íslenska sjónvarpsféluginu hf. Útvarpsréttarnefnd fjallaði um málið á fundi 29. mars 2006 og afgreiddi það með ítarlega rökstuddri bókun. Að því er varðar ætlaðar áfengisauglýsingar taldi nefndin þær auglýsingar ekki fela í sér brot á reglum útvarpsлага. Af þeim sökum kæmi ekki til álita að beita viðurlögum samkvæmt þeim lögum. Hins vegar ákvað nefndin með vísan til 2. mgr. 7. gr. stjórnsýslulaga að beina þessari kvörtun til löggreglu. Um kostun áfengisframleiðanda á dagskrárefni var talið að efnið hefði ekki verið kostað með vísan til vöru sem bannað er að auglýsa, sbr. 6. mgr. 21. gr. útvarpsлага, enda yrði því ekki vísað á bug að átt væri við léttöl. Loks taldi nefndin að áberandi vörur og vörumerki í tilteknun sjónvarpsþáttum hefði falið í sér dulda auglýsingu í skilningi e-liðar 1. mgr. útvarpsлага en bann væri lagt við slíkum auglýsingum í 2. mgr. 16. gr. laganna. Einnig var talið að ekki hefði verið gætt að reglum um kostun í 21. gr. laganna. Af þessu tilefni var því beint til viðkomandi fjölmíðla að haga rekstrinum í samræmi við þau lagafyrirmæli, sem rakin voru í bókun nefndarinnar. Að öðrum kosti mætti gera ráð fyrir að nefndin tæki til athugunar hvort efni væru til að beita viðurlögum á grundvelli X. kafla laganna.

Í febrúar 2007 barst nefndinni erindi frá Neytendasamtökunum vegna efnis í sjónvarpi, þar með talið í fréttum, sem gæti haft skaðleg áhrif á börn. Á fundi nefndarinnar 8. maí sama ár mættu fulltrúar neytendasamtakanna og fyrirsvarsmenn Ríkissjónarvarpsins, Stöð 2 og Skjá Eins. Var fjallað ítarlega um málið og ábendingum komið á framfæri til fjölmíðla. Aftur var fjallað um kvörtun af þessu tagi frá Neytendasamtökunum á fundi nefndarinnar 13. nóvember 2007. Á fundinn mættu fréttastjórar Sjónvarpsins og Stöð 2.

Í febrúar 2008 barst nefndinni kvörtun vegna auglýsingar sem beindist að börnum. Þessar auglýsingar þóttu ekki gefa tilefni til viðbragða af hálfu nefndarinnar.

Í apríl 2008 barst nefndinni kvörtun sem beindist að 365 ljósvakamiðlum ehf. vegna útsendinga á útvarpsþættinum Entertainment Edge með Ryan Seacrest. Um er að ræða tónlistarbátt sem fluttur er á ensku. Að tilmælum nefndarinnar var þessum útsendingum hætt.

Á fundi nefndarinnar 4. september 2008 var fjallað um kvörtun Nýju sendibílastöðvarinnar sem beindust að ummælum á Útvarpi Sögu í þætti Arnþrúðar Karlsdóttur, útvarpstjóra, 28. janúar sama ár. Þessi neikvæðu ummæli í garð sendibílastöðvarinnar voru síðan dregin til baka síðar sama dag. Eftir að hafa fjallað um málið með hlutaðeigandi varð að samkomulagi að Útvarp Saga myndi birta 15 auglýsingar að hæfilegri lengd frá Nýju sendibílastöðinni á tveggja vikna tímabili. Einnig bauðst Arnþrúður til þess að taka viðtal og kynna starfsemi sendibílastöðvarinnar í þætti sínum.

VIII. Fundir með útvarpsleyfishöfum

Hinn 29. nóvember 2005 heimsótti útvarpsréttarnefnd Íslenska sjónvarpsfélagið hf. sem rekur sjónvarpsstöðina Skjá Einn. Tók Magnús Ragnarsson sjónvarpsstjóri á móti nefndinni og kynnti starfsemina og ræddi framtíðarhorfur á sjónvarpsmarkaði.

Hinn 20. janúar 2006 heimsótti útvarpsréttarnefnd 365 ljósvakamiðla ehf. Tóku Ari Edwald framkvæmdastjóri og Hermann Hermannsson aðstoðarframkvæmdastjóri á móti nefndinni og kynntu starfsemi fyrirtækisins

Á starfstímabilinu hefur nefndin reglulega átt fundi með fyrirsvarsmönnum Ríkisútvarpsins, 365 ljósvakamiðla ehf. og Íslenska sjónarvarpsfélagsins hf.

IX. Heimasíða Útvarpsréttarnefndar

Útvarpsréttarnefnd er með eigin heimasíðu, www.utvarpsrettarnefnd.is. Þar koma fram ýmsar upplýsingar um nefndina og störf hennar. Þar er einnig hægt að nálgast umsóknareyðublöð.

X. Erlend samskipti

Á starfstímabilinu hafa formaður og starfsmaður útvarpsréttarnefndar sótt árlega norræna fundi norrænnra systurstofnana.

XI. Kostnaður við starfsemi útvarpsréttarnefndar

Kostnaður vegna starfa útvarpsréttarnefndar er greiddur úr ríkissjóði samkvæmt árlegri fjárveitingu. Helstu kostnaðarliðir eru laun starfsmanns, þóknun til nefndarmanna, aðkeypt sérfræðiþjónusta, fundarkostnaður og útgáfa skýrslna. Leyfishafar greiða leyfisgjald í ríkissjóð vegna útvarpsleyfa sem vegur upp á móti þeim kostnaði sem til fellur vegna starfa nefndarinnar.

XII. Annað

Hér á eftir verða rakin ýmis mál sem útvarpréttarnefnd afgreiddi eftir umsókn eða tók upp af eigin frumkvæði.

Með bréfi 8. febrúar 2005 óskuðu 365 ljósvakamiðlar ehf. eftir leyfi fyrir Talstöðina til að senda út að nótta til fréttaskýringaþáttinn "All things

considered" sem sendur er út frá National Public Radio í Bandaríkjum. Var sótt um leyfið á grundvelli 1. mgr. 7. gr. útvapslaga. Þar sem ekki þótti standa sérstaklega á, eins og það ákvæði áskilur, var beiðninni synjað.

Vorið 2005 voru fluttir í Ríkisútvarkinu þættir á norsku. Af því tilefni ritaði útvapsréttarnefnd bréf 1. júní sama ár til Ríkisútvapsins með ábendingu um að afla þyrfti leyfis nefndarinnar fyrir flutningi á erlendri tungu, sbr. 1. mgr. 7. gr. útvapslaga.

Með bréfi 7. mars 2006 sótti Ríkisútvarpíð um heimild til beinnar útsendingar á þættinum „A Prairie Home Companion“, sem er bandarískur útvapsþáttur fluttur á ensku. Venjulega er þátturinn sendur út frá St. Paul í Bandaríkjum en fyrirhugað var að taka upp einn þátt hér á landi í Þjóðleikhúsinu og senda út 16. maí 2006. Útvapsréttarnefnd fjallaði um beiðnina á fundi 16. mars 2006 og fram kom í bókun nefndarinnar að um væri að ræða heimsfrægt dagskrárefni og yrði í þættinum sem tekin yrði upp hér á landi fjallað um land og þjóð auk þess sem íslenskir listamenn kæmu fram. Með hliðsjón af þessu taldi nefndin að sérstaklega stæði á í skilningi 1. mgr. 7. gr. útvapslaga og veitti heimild til útsendingarinnar. Þetta var þó bundið því skilyrði að fram kæmi í kynningu fyrir útsendingu þáttarins að nefndin hefði veitt heimild til útsendingarinnar þótt þátturinn væri á erlendu tungumáli.

Á fundi nefndarinnar 14. ágúst 2007 var samþykkt beiðni Ríkisútvapsins að fá að útvarpa völdum erlendum þáttum á síðkvöldi einu sinni í viku undir heitinu „Á hljóðbergi“. Í erindi Ríkisútvapsins kom fram að slíkur þáttur hefði um langt skeið verið á dagskrá en lagst af fyrir allmögum árum. Um var að ræða efni frá BBC og Norðurlöndum. Með vísan til 1. mgr. 7. gr. laganna var fallist á beiðnina, enda myndi íslenskur þulur verða með inngang og leiða áheyrendur í gegnum efnið með jöfnu millibili.